

Ebe onodode ni iPita O keke

¹ Mhemhe iPita aghiusomhi na kee oyi iJesu iKirisiti mhi keke ebe ona ghi e egbo ni Eshinegba o ze, ni a khi epfese shi elemhi eke agbo, ni a miatse ku asha khi asha eke iPontusi, ali iGalesha ali iKapadosha ali Esha, ali iBitinia.

² Eri Eshinegba ita o ze e abi o li ghole oli shi, o rote ikanya eyi Ayemhe-no-pfuase khuese-a pfuase ni a ke suo eso na iJesu iKirisiti ali ni o ri o lia eyi iKirisiti re e khi egbo oda shi ugamhi oyoli.

Opfomhe ali okhale ni e gbeku o, e ka nu e la.

A kuęghie Eshinegba shi Irudushi ni o mhue agbo

³ Awa kuęghie Eshinegba, ita iJesu iKirisiti Onomhue. Itobo ilelemhi oniemhi ni o mholi na awa o ro rote eghuli guise iJesu iKirisiti le. Onana o ri agbo onogbo ali irudushi ni o mhue agbo na awa.

⁴ Loli o li ri awa ri eloe shi eke e khe ugu ni Eshinegba o ro shi agho o khe egbo eyoli. Iloghie o re we shi ne, ni o khi asha ni ea la ke-a, ni ea la pfueche, wekhi eri e ya taa.

⁵ Eye e eni ugu ena e khi, ikhi ee ni a mholi ireg-benga, ni Eshinegba o ri ekpabo eyoli khukhu shi e khe imiepfuese, ikhi imiepfuese ni a ya rokhase ikpukhokho agbo.

⁶ A zẹ ni onana o ri egbe ke mu ẹ ini o tseku khia khi a ya mhọli iyeseudu-a ukuku ẹghẹghẹ irari imhẹşẹ bino ebubu ni a ya mẹ.

⁷ Eri a ri ena mu ẹ fẹ bino ni a mẹ ini egbegbọ irudunga oyẹ ẹ o khi. Igbolu ni ọ li opfu-a, erali a rọ ọ mhẹşẹ ọli bino ni a mẹ ini egbegbọ o khi. Ighọ a ya li mhẹşẹ irudunga oyẹ ẹ ni o mu ẹloe dọşẹ igolu bino, ni a mẹ asha mie ekpẹ ali ikuẹghię ali ufumhi ẹlẹ ni iJesu ọ ya nyenẹ egbe bhale.

⁸ A nono ingme oyọli, a gbo mie ọli suọ, aboriẹkhia khi aa mẹ ọli ẹloe ghue. A mhọli oghẹlẹ oniẹmhi ni unu ọa dọbẹ ẹ ngme.

⁹ Itobọ khi u mhọli imiepfuese elemhi ayẹmhe oyẹ, o zẹ khi a miesuọ, a regbenga li.

¹⁰ Eri emeķẹguele ngme ingme okhale ni ọọ bhale deba ẹ, e kuegbe-a guanọ bie abi Eşhinegba ọ li ya mie ẹgbọ eyọli pfuese, onana o zẹ ni e rọ ngme angme-shi-ekẹ oyi oni imiepfuese ona.

¹¹ Ayẹmhe oyi iKirisiti ni o la emeķẹguele udu o gueye wẹ abi iJesu ọ li ya mẹ osoli, neni ọ ya mẹ ufumhi oniẹmhi, ẹghẹghẹ ni e rọ ngme ungmehi amẹguele. E roşẹka guanọ ni e lẹşẹ oghuo ọ ya khi ọni iKirisiti ali abi eni ingme e ga li ya de nyaa.

¹² Eşhinegba ọ rọkhasẹ eni emeķẹguele khi ọa khi itobọ eleli oyẹwẹ a rọ ri emhi ena khase wẹ ama irari oyẹ ẹ. Memena, eni emeķẹguele e she gue eni ingme ena nya ye ẹ, abi ekpabọ Ayẹmhe-no-pfuaşẹ ni ọ rọte iloghie bhale ọ li gue wẹ ye wẹ. Eri iğeni e lili nono ni wẹwẹ e li mẹ eni ingme ena.

A ke la angeli ipfuaşẹ

¹³ Irarighọ, a bino angeli bie ke ngeli ni a mu egbe shi ugamhi oyi Eşhinegba, a ke tẹ ẹloe ekẹ, a

ri udu oye ẹ shi isomhelemhi ni a ya me ogbele ni a ya ri iKirisiti khasẹ.

¹⁴ Abi eniye ni ẹẹ suọ esọ na Eshinegba ni o la iloghie, a khi nyene egbe ukhokho je angeli ni u kpe ngeli neni a lese ungmehi oyi Eshinegba.

¹⁵ Lese khi Eshinegba ni o lu ẹ, o ma pfuase ni a li gho mholi ingeli ni e pfuase shi emiemini a rieleya.

¹⁶ Ebe-no-pfuase oo, “Ze ni u khi oni o pfuase, itobo khi mhemhe mhi pfuase.”*

¹⁷ Ini o khia khi Ita wa lu Eshinegba ini u wa so iromhi, ikhi ita ni o a ya gbe azeba ini oo gue ezọ, ri ekpe ali ulishi ke ga li aborokhia khi opfese eke agbo u khi egbo.

¹⁸ Irari khi a lese khi o a khi emhi nabi igolu ali elomho ni ẹ li opfu-a a ro pfa ẹ shi eke, lase elemhi imu ali angeli afue le, ni eni e bia ẹ e roshi eke na ẹ.

¹⁹ Olia ni e ghale eyi iJesu iKirisiti, ni o khi omi osumha ni o a mhuẹ ichimhi, a ro luase obọ na awa.

²⁰ Eshinegba o ze oli neni a ma agbo, o gbo ri oli lasele khasẹ egbo ikpukhokho agbo ni awa la ena, irari oye ẹ.

²¹ Obọ oyi iJesu a te mie Eshinegba suọ ni o te eghuli guise oni iJesu le, ni o gbo ri ufumhi oniemi na li, irarigho a mholi irudunga ali irudushi na Eshinegba.

²² Aborokhia khi a she ri udu eye ẹ khi eni e pfuase egbo, abi a ri ungmehi igesikia a gbe akanya, ni a ro mholi inono na egbe ẹ abi a ga miesuọ, a kie ligho ke nono ingme egbe ẹ.

* **1:16** Li ze iLev 11.44,45; iLev 19.2; iLev 20.7

²³ Irari khi ungmehi oyi Ẹshinẹgba ni o mhuẹ agbọ na agbọagbọ a rọ riẹlẹ ẹ bia, ọa khi emini ẹẹ pfua a rọ riẹlẹ bia.

²⁴ Ebe-no-pfuase o ngme ghọ khi,

“Eri ẹgbọ nya

e li abi ebuli.

Eri isomotse oyewe

o li abi udodo.

Ini ebuli o khakha-a,

udodo e de ọ kua.

²⁵ Ama eri ungmehi

oyi Ẹshinẹgba o laọ agbọagbọ.”†

Ona o khi usomhi onete ni a tse abọ ye ẹ.

2

Ẹche ni o mholi agbọ ali ushishi no pfuase

¹ A she riẹlẹ ẹ bia, irarighọ, khi kono onobe shi elemhi deba ọgbọ, khi ke lo ẹgbhọli, khi ke ngeli ingeli abamemhe, khi ke do ọgbokhoghuo ọkonyọ ali khi ke ngme ungmehi yese ọgbọ-a.

² Ochoghọ, zẹ ni angeli oye ẹ e li abi oyi emofe. Okiamhi egbegbi amẹ inyeli eyi ayemhe ni o khi ungmehi oyi Ẹshinẹgba, o ke gbe ẹ. Eni a kha da, o reẹ fu shi imiepfuese,

³ mena ni a she mu Ọnọmhuẹ fe bino ni a me ọli me khi ọọ ti.*

⁴ Abi a li bhale deba Ọnọmhuẹ ni ọ khi ẹche nọ mhuẹ agbọ, ni ẹgbọ e kie, ama Ẹshinẹgba ọ zẹ ọli, ọ mu ọli ẹloe.

⁵ Ighọ, ẹẹ abi ẹche ni e mhuẹ agbọ, a rọ tọ owa ayemhe, ni a khi ekpodalo-ugamhi eyi Ẹshinẹgba ni

† **1:25** Li zẹ Aza 40.6-9 * **2:3** Li zẹ Iwolo 34.8

e pfuase, ni a ke luasobo ena ayemhe eni e ghole Eshinegba, rote obọ oyi iJesu iKirisiti.

⁶ Irari khi Ebe-no-pfuase oọ,
 “A bino khi mhi ri
 eche gbe eke shi iZayo,
 echeli ebe ni o mu owa mhuẹ,
 ni mhi ze ni o mu eloe.
 Oni o da ri egbe da li ne,
 o ya me omama.”†

⁷ Irari khi eche ona oni o mu eloe o khi na e ni a mie oli suọ. Ama eni ea mie oli suọ, o khi,
 “Eche ni itsona e kie,
 ni o tigbe mele oni
 o mu eloe ne nya-a.”‡

⁸ “Onana o kie gbo khi
 eche ni ebubu egbo
 e ya kholo awe shi
 ukpokpomhi eche
 ni o ya pfi we gbe.”

Itobo khi ea ri ungmehi oyi Eshinegba gbe akanya e ro de. Abi o kha li we o li egho.§

⁹ Ama eni Eshinegba o ze a khi, ni a khi ekhemhuẹ ni e ga Eshinegba, ushishi na ipfuase, egbo enayi Eshinegba, ni a ro me asha ri ikuẹghie na oni o rote alo ebili lu e lasele bhale akpa ni o somhotse oyoli.*

¹⁰ Eghẹghẹ ni o dose aa kpe khi egbo eyi Eshinegba, ama memena, egbo eyi Eshinegba a ke khi, aa kpe mhọli ilelemhi na e, ama memena Eshinegba o she mhọli ilelemhi na e.†

† **2:6** Li ze *Aza 28.16* ‡ **2:7** Li ze *Iwolo 118.22* § **2:8** Li ze *Aza 8.14-15* * **2:9** Li ze *Okiali 19.5-6; Aza 43.20,21; iDeut 4.20; 7.6; 14.2; iTatọ 2.14; Aza 9.2* † **2:10** Li ze *Osia 2.23*

Ighumha eyi Ẹshinẹgba

11 Emọle mhẹ, mhi lema ẹ, ẹẹ abi epfese ni a la elemhi agbọ ona, a lase oghumhẹ ni e khi eyi olamhẹ le, ni e mu okhọli ẹ vule shi isamhi eye ẹ ọ.

12 A kie ke ngeli ingeli enete elemhi ifuabọ oyi ẹgbọ ni ẹa miesuọ. Ini e tseku ẹ zẹ ẹ unu, e kie ke mẹ ingeli enete ni a ngeli, ni e ke kuẹghię Ẹshinẹgba, ogbẹlẹ ni ọ ya bhale deba awa.

Iregbe-tiemhie na Enighie ali Ega eyawa

13 A ri itobọ Onomhуe ke ri egbe ẹ tiemhie na eni ẹẹ mhẹsẹ nya ni a mu vule shi iteva ẹgbọ. Okekhi oghie ni ọ funẹ,

14 okekhi igovunọ ni ọni oghie ọọ ghie ọ ke nase eni e pfido, ali e ke kuẹghię eni e riẹlẹ onete.

15 Irari khi eri Ẹshinẹgba ọọ nono ni a pfi ẹgbọ ọkhọlọ okpẹ unu, rọte angeli enete ni a ya ke ngeli.

16 A ke ngeli abi ẹgbọ ni ẹa mhọli ọzuodẹ, ama a khi zudigba umha mhọli ọzuodẹ oyeẹ ke ngeli ingeli ebe. A ke ngeli abi eni ẹẹ ga Ẹshinẹgba.

17 A ke ri ekpẹ na ogbokpa. A nono ingme oyi ẹgbọ ni a ga rọ khi ena irudunga. A ke na ulishi oyi Ẹshinẹgba. A gbo mu ekpẹ ẹ na oghie.

18 Ẹẹ ni a khi eni ẹẹ ga, a ri egbe ẹ tiemhi ekẹ na eni e khi ega eye ẹ. Ọa khi ega ni eri opfomhẹ ngeli deba ẹ tse ama li shi eni ẹ ngeli angeli ni o ze deba ẹ.

19 Ẹshinẹgba ọ ya khivose nẹ ini u ri egbe mie osoli anasemhẹ ni u wa kha mẹ, itobọ khi u lẹsẹ oghumhẹ oyi Ẹshinẹgba.

20 Eleli onoghuo o la ọ ini ogbọ ọ mẹ osoli shi umha-sueso ni ọ riẹlẹ? Ama ini u wa mẹ osoli shi

onete ni u rięę, ni u rọ ri egbe mie ọli, Eshineęba ọ ya khi vọsę nę shi ọ.

²¹ Irari onana Eshineęba ọ rọ lu ę, abi iJesu ọ rọ mę osoli na ę rọ ri angeli irọkhọkhọ shi eķę na ę ni a ke deba. A rọshęka ke deba oni angeli.

²² Ọa lamhę olamhę okhọghuo, wẹkhi eri a mę khi ọ ngme ungmemhi ęgbhọli.‡

²³ Abi ęgbọ e rọ tseku u tsue ọli, ọa tsue wẹ shi ọ. Abi ọ rọ tseku mę osoli ọa tsekha wẹ. Ama eri ọ ri ęgbọli mhọli Eshineęba obọ, ọni ọ guę sọ ęzọ shi ode igesikia.§

²⁴ IKirisiti lọlighuo ọ tsua olamhę eyawa shi egbe je apfida, ini awa khi ghu eghuli olamhę, ama ni awa la agbọ iguę-ngeli elemhi ipfuasę. Utse ni a kuale ọli o ri awa ze.*

²⁵ Eri a kpẹ la agbọ abi osumha ni ọ waa, ama a she mu pfi deba Ọni Ọrisumha-kia ni ọ khi ọni ọ khekhe ayemhę o ye.†

3

Angeli oyi ikpotso ni e la ughuę ali ọdọ wẹ

¹ Eę ni a khi ikpotso, a nyęsę ukhomhi na edọ ę, isheghọ a khi mę ọngewẹ ni ọa mie ungmemhi oyi Eshineęba suọ, ni eni edọ ę ri itobọ ekpẹ ni a mhọli a na wẹ ali angeli eyi ę mu udu pfi, ini aa ke tseku ngme ungmemhi unu lasese,*

² ini ęę mę angeli ipfuasę ali angeli ekpẹ ni a ngeli.

‡ 2:22 Li zę Aza 53.9 § 2:23 Li zę Aza 53.7 * 2:24 Li zę Aza 53.5

† 2:25 Li zę Aza 53.6 * 3:1 Li zę Efi 5.22; iKolo 3.18

³ Khi zẹ ni isomhotse oyẹ o rọte akhue idiegbe ri egbe khase, ni a la do itsu shi ukhomhi dolodolo, ali ena igolu isoso ali igbanọ itsua ni e somhotse.†

⁴ Ochoghọ, zẹ ni isomotse oyẹ o khi ona ekelemhi udu. Isomhotse ni ọa ya taa, ni o khi ona ikuegbea ali ayemhe no pfomhe, ni o ghole Eshinegba ne nya.

⁵ Ina ikpotso eni elele ni e ri egbe da Eshinegba, e li ri egbe we shi isomotse, irari khi e nyese ukhomhi na edo we.

⁶ Abi iSera o li mu ekpe na odoli Aburaamu ramhi ni o ro lu oli, onomhuemhe. Imi oni iSera a khi, ini a da ngeli ingeli enete ne, ni aa ro da zẹ ni ulishi o mu e.‡

⁷ Igho, ee edo, a guẹ ke ngeli deba ighue e. A ri iwomhelo nu we ke ngeli. A lese khi ea mhue ekpabo abi ee. A gbo lese khi eni e nu e mhọli okemhi shi isomhopfa oyi isomhelemhi oyi Eshinegba ni o mhọli agbo onogbo e li khi. A guẹ ri elo ke khu we, ini emhikhoghuo o khi zu iromhi oyee ode.§

Ime-osoli shi onete iriele

⁸ Ozukhomhi ungmehi oyemhe khi, ee nya a mhọli udu oghuo, a mhọli ilelemhi na egbe, a nono ingme egbe abi inyoghuo, a vie osoli ke na egbe, a ke ri egbe e tiemhile.

⁹ Khi ri onobe fata onobe. Ini ogbo o tsue e, khi tsue oli shi o, ochoghọ so iromhi onete na li. Itobo khi eri Eshinegba o lue ni u khi ogbo oyoli, ni u le ikhivose ugu.

† 3:3 Li zẹ 1 iTimo 2.9 ‡ 3:6 Li zẹ Igbae 18.12 § 3:7 Li zẹ Efi 5.25; iKolo 3.19

10 Irari khi,
 ọni ọ da a nono
 ni lọli me agbọ li
 ali ni lọli mhọli
 ebubu ogbele enete,
 ọ khi ke ri elemhi oyọli
 ngme ingmemhi ebe,
 ali ingmemhi egbhọli.

11 Ọ mema ya me
 ingmobe na,
 ọọ riẹle onete.

Ọọ mema ya ke
 nono opfomhe,
 ọ na khu ọli.

12 Irari khi eri ukpeloe
 oyi Onomhue o la
 egbọ eni e gue ngeli egbe,
 esọ eyọli e khueghie-a
 shi iromhi ni e sọ,

ama elemhi e ma bi
 Onomhue deba egbọ ọkhọlo.*

13 Ọghuo ọ ya ri emhi obe li e, ini onete iriẹle o
 mema ghọle e?

14 Ama ini u tseku me osoli shi onete iriẹle,
 ikhivose o khi ne. “Khi na ulishi ogbokhoghuo.”

15 Ama a rote eke elemhi udu oyeẹ rue iJesu abi
 Onomhue oye e. A ke mu egbe shi eke egheghẹkpa,
 ini ogbokhoghuo ọ ya mhila e emini irudushi oyeẹ o
 migha nga, ni a gue ọli ye we. Ama a ri ipfomhe-udu
 ali ekpe ke sọ we ọ.†

* 3:12 Li ze *Iwolo* 34.12-16 † 3:15 Li ze *iMat* 5.10; *Aza* 8.12-13

16 Zobe ni udu oye o pfuase ishegho ni eni e ngme onobe shi angeli onete oye abi oni o deba iKirisiti, e me omama ingmemhi ipfueche ogbo-a eyewe.

17 Ini o ghole Eshinegba ni u ro me osoli shi itobo khi u riefe onete, o ti dose khi u me osoli shi okholo ni u riefe.

18 Irari khi iKirisiti o ghu-a shi olamhe oyi ogbokpa utoghuo kpe, ikhi loli ni o pfuase, o me osoli na ena umhapfuase, ni o ro rue awa bhale ghi Eshinegba. A gbe oli-a alo gbugbugbu, ama o la agbo elemhi ayemhe, a ri Ayemhe guise oli le bhale agbo.

19 Elemhi ayemhe ni o la, o ro vu ya tse abo usomhi onete oyi Eshinegba ye iyemhe ni e la owa ighumha.

20 Iyemhe ena e khi eni ea suo eso, abi Eshinegba o ro ri abo mu udu, ni iNoa o ro khali oko-okere oniemi se. Egbọ etu-olale kpele a pfuese elemhi oni amef.‡

21 Oni amef o migha shi ibatizi, ona o mie e pfuese memena. Oa khi ilese khere ichimhi idiegbe-a, ama, imholi udu ni o pfuase deba Eshinegba ni o tsumhi e rote irote eghuli guale oyi iJesu iKirisiti.

22 IJesu iKirisiti o she je iloghie, o shito epfe obo obita oyi Eshinegba, o mhesere e na igeni ali afu ali ekpabo ni e la idane.

4

Angeli ni o mu pfi

‡ 3:20 Li ze Igbae 6.1–7.24

¹ Abi o rọ khia khi iKirisiti ọ she me osoli idiegbe, a li mu egbe ni a li ya mhọli angeli oghoḡho, irari khi ọni ọ da ligho me osoli idiegbe ne, ọa ke gbo mhọli emini ọ ri olamhe e rieḡe.

² Rote memena je odalo elemhi agbo oye, khi gbo ze ni oghumhe idiegbe oye o mhese ne, ochogho, ze ni u ke ngeli abi Eshinegba ọ li nono ọli shi.

³ A she kpe pfuse ukpokpomhi eghēghē-a je ukhokho rọ ọ rieḡe emini eni ẹa miesuo e rieḡe. A la agbo itsebo ilili, idokonyo, idonyo yesegbe-a, ali idobie, ali ikia-ye-ukue ke da onyo, ali ilitsa igaga.

⁴ Ama memena, abo e sha we khi aa ke nu we a rieḡe ikhiakhiamhi emini ee rieḡe, e ri itobo igho ọ tsue e.

⁵ Ama khi e mema ya gueye Eshinegba abi e li gbe, ọni ọ ya gue eḡbo ezo, shi eni e lao ali eni e ghua.

⁶ Onana o ze ni a rọ tse abo usomhi onete ye eḡbo ni e ghua, ni a rọ gue we ezo abi a li ya gue eḡbo na agbo ezo, ama eri e la elemhi ayemhe abi Eshinegba ọ la ọ.

Gue ri ukpelo ke khu isomhopfa eyi Eshinegba

⁷ Eghēghē ni agbo o rọ ya pfo o she ti ramhi ana. Irarigho, a bino angeli bie ke ngeli ni a doḡe toto obo iromhi isoso.

⁸ Oni o mema mu egbe ne nya khi, a nono ingme egbe e eḡbegbo, itobo khi eri inono ọo khukhu olamhe ebubu.*

⁹ A ke mu egbe e eḡfese, ni awolo ọa la.

¹⁰ Ogbogbo ọ ri isomhopfa ni ọ mhuḡe ke kpaghiḡe onuzava ọyoli obo, ọ ri igesikia ke ri eloe khu okhale oyi Eshinegba odekhode.

* **4:8** Li ze *Ekpi 10.12*

11 Ini ọgbọkọghuo ọ mhọli ungmehi ya ngme, ọ ke ngme ungmehi oyi Eshinegba. Onini ọ ya kpaghie ọgbọ obọ, ọ ri itoto ni Eshinegba ọ rọ na li riefe ọli. Ni a rọ bhale ya e khi a rọte obọ oyi iJesu iKirisiti ri ikueghie na Eshinegba odekhode. Lọli ọ mhọli ufumhi ali ekpabọ rọte agbọagbọ ya je agbọagbọ. Atse.

Ime-osoli irari khi u miesuo

12 Emole mhe abọ e khi sha e shi omufe ni o toto ni a me, abine khi emini aa kpe me ghue a me.

13 A ri ochoghọ ke ghele khi a li nu iKirisiti me osoli ni ọ me. Eghẹghẹ aghọ ni a mhọli oghẹle oniemi, ini a ri ufumhi oyọli khasẹ.

14 Ini a ri itobọ eva oyi iKirisiti eẹ tsue e, ikhivose o khi ne, irari khi Ayemhe oyi ufumhi ali oyi Eshinegba o nu e la.

15 Ini u me osoli, khi ze ni a bhale ya e khi itobọ khi u gbe ugbeli ali itobọ khi u do ighiatọ, wekhi angeli ikpamhika ali itashingme u rọ me osoli.

16 Ama ini u wa me osoli abi oni ọ miesuo, khi ze ni omama o mu e, ama ke kueghie Eshinegba irari khi u wa yemhe eva oyọli.

17 Irari khi eghẹghẹ o she ramhi ni iguezo o rọ ya rọte Owa oyi Eshinegba ya gbaekele. Ini o te awa egbe gbaekele, se o ke beshi ya li eni ea mie usomhi onete oyi Eshinegba suo egbe?

18 Abi Ebe-no-pfuase o ngme ọ li khi,
 “Ini o ya munu ni a rọ tsumhi
 ọgbọ ni ọ guẹ e ngeli,
 se o ke bie ya li
 ẹgbọ okholo ni ea mhọli

Eshinegba egbe?”†

19 Irarigho, eni eẹ me osoli, abi o li ghole Eshinegba shi, e ri egbe we mhọli Eshinegba ni o ma we ni o ze ri egbe e nga obọ. E kie ke gbe ikanya enete.

5

Ude ni a ye Egbhali ali ozele

1 Mhi lolo ye e ude, eẹ ni a khi egbhali abi mhemhe mhi li khi ogbhali, ni mhi ri eloe me osoli ni iJesu o me, ni mhi gbo li ya mhọli okemhi shi ufumhi oyọli ini o nyene egbe bhale.

2 A ri eloe ke khu isumha eyi Eshinegba ni a ro nga e obọ. O ga pfo e udu ke ri eloe khu we. Oa khi irari eleli ni u ya me o tse, ama abi ogbọ ni o mhọli oghumhe ugamhi oyi Eshinegba.*

3 Khi ri itoto mhesa na egbọ ni Eshinegba o ro nge obọ, ochoghọ angeli o ye o khi irokhokhọ ni egbọ ke deba.

4 Ini iJesu iKirisiti ni o khi Orelae-khu isumha onofune o bhale, o ya ri arula oghie ni oa tigbe ya faa ne.

5 Ee ezele, a li ligho nyese ukhomhi ke na egbhali. Ogbokpa o ke ti egbe oli tiemhi eke, aa ga egbe e. Irari khi Ebe-no-pfuase o ngme ghọ khi.

“Eshinegba o ma biselemhi
 ogbọ ni o ti egboli a nga,
 ama o khi e vose na eni
 e ti egbewe e tiemhile.”†

† 4:18 Li ze Ekpi 11.31 * 5:2 Li ze ifon 21.15-17 † 5:5 Li ze Ekpi 3.34

6 Irarigho, a ri egbe e tiemhile na ekpabo oyi Eshinegba ni e fune, ni o ti e nga idane ini o ramhi oni eghẹghẹ.‡

7 A ze otoemhe eye e obo na Eshinegba, itobo khi o ya rue e o le.

8 A bino angeli bie ke ngeli, àa tokpe, itobo khi obo e ni o khi okphaghie, o kia gasẹ abi odumhi ni oo khoshe, eri o nono oni o ya mu nyanọ le.

9 Khi ze oli lo e le! Gbe lighi irudunga oye, itobo khi u lese khi eni e miesuo nabi yeye ni e la elemhi agbo ashakhasha e lili e me osoli enabi enana.

10 Ini u me osoli ukuku eghẹghẹ se, Eshinegba na okhale nya, ni o rote iKirisiti lu e shi ufumhi oyoli na agboagbo, o ya riẹle e ti dose abi o kpe li e egbe. O re toto, o mu e mholi re gbelighi.

11 Ekpabo o khi oyoli agboagbo. Atse.

Otse ni o kpukhokho

12 ISalasi ni mhi ro shi inyoghwo ni o mholi igesikia o nu mhe keke ebe ona. Eri mhi keke ebe ona ni o nu eghie, ro ri udu shi e o ali ni a ro lese khi emiemini a rieme khi egbegbi okhale oyi Eshinegba na. A mu oli mhue gagaga. §

13 Egbọ eni e miesuo ni a ze abi ee na eke iBabilo, ee tse e, li shi iMaki ni o limhe egbe abi omimhe.*

14 A ke tse egbe e a ri inono ghele mu egbe. Opfomhe o ka nu ee nya ni a la elemhi iKirisiti la.

‡ 5:6 Li ze iMat 23.12; iLuk 14.11; 18.14 § 5:12 Li ze Ika 15.22,40

* 5:13 Li ze Ika 12.12,25; 13.13; 15.37-39; iKolo 4.10; iFile 24

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

03be06b0-68fd-500b-b9a9-6bca4b63979a